

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10.stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 15-231-3/15. od 10.02.2021. godine, ugovorne strane:

1. KANTONALNA JAVNA USTANOVA „GERONTOLOŠKI CENTAR“ SARAJEVO, ul Aleja Bosne srebrene br.7., registrovan kod Kantonalnog suda u Sarajevu pod brojem UF/I-2260/97 od 15.08.1997.god. i Općinskog suda u Sarajevu Rješ. Br. 065-0-Reg-07-000174 od 25.06.2007.god., identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktorica Melisa Alibašić Hadžić, dipl.pravnik (u daljem tekstu: Ugovorni organ)

i

2. „SAFETY QUALITY SYSTEMS“ doo, ul. Braće Baljić br. 1A., Sarajevo, registrovan kod Općinskog suda u Sarajevu broj: 065-0-Reg-17-002958, identifikacijski broj kod Poreske uprave FBiH 4202393440003, koga zastupa Direktor Hurem Anel (u daljem tekstu: Izvršilac usluga)

dana 10.02.2021.godine u Sarajevu, zaključuju:

UGOVOR O VRŠENJU USLUGA

Član 1.

Ugovorne strane su saglasne da Izvršilac usluga izvrši **usluge implementacije HACCP sistema prema smjernicama Codex Alimentarius CAC/RCP 1-1969, Rev.4 (2003) u KJU „Gerontološki centar“ Sarajevo**, a prema Ponudi Izvršioca usluga broj 002-21 od 10.02.2021.godine.

Član 2.

Ugovorne strane su saglasne da se konsultacije obavljaju u objektu Ugovornog organa, u Sarajevu, ul. Aleja Bosne srebrene broj 7.

Član 3.

Izvršilac usluga se obavezuje da predmetne usluge izvrši najdalje do 17.02.2021.godine, na način da u kroz edukaciju i uključivanje zaposlenih, definisanje dokumenata i procedura, izvrši implementaciju HACCP sistema prema smjernicama Codex Alimentarius CAC/RCP 1-1969, Rev.4 (2003).

Član 4.

Ugovorne strane su saglasne da realizacija ovog Ugovora otpočne odmah po obostranom potpisivanju istog. Konsultantske usluge bi obuhvatile sljedeće:

- Pregled trenutnog stanja u Gerontološkom centru,
- Osnovne pripreme
- Postupci za definisanje procesa
- Dokumenti i procedure
- Sistemska aplikacija
- Priprema za interni audit
- Harmonizacija sistema i provjera funkcionalnosti
- Rješenja za bilo kakve probleme ili disharmoniju u sistemu.

Planiranje konsultacija ugovorne strane utvrđuju dogovorom i na kraju svakog konsultantskog dana precizirat će se termin narednih konsultacija.

Ugovorne strane su obavezne pridržavati se dogovorenih termina za konsultacije.

Član 5.

Ukupna vrijednost ovog Ugovora, iznosi **6.000,00 KM, bez uključenog PDV, odnosno 7.020,00 KM sa PDV-om** i ista uključuje sve troškove Izvršioca usluga i njegovih konsultanata.

Ugovorne strane su saglasne da se u periodu važenja ovog Ugovora, ugovorena vrijednost usluga, precizirana prethodnim stavom ovog člana, neće mijenjati.

Član 6.

Ugovorne strane su saglasne da se fakturisanje i plaćanje ugovorenih predmetnih usluga vrši po završetku svih ugovorenih obaveza.

Ugovorni organ se obavezuje da će plaćanje fakturisanih ugovorenih usluga vršiti u roku od 10 dana od dana ispostavljanja fakture, putem transakcijskog računa Izvršioca usluga broj: 1401021120042203, otvorenog kod Sberbank dd Sarajevo.

Član 7.

Izvršilac usluga se obavezuje da će ugovorene usluge izvršiti blagovremeno, efikasno i kvalitetno, te da će Ugovornom organu pružiti garanciju za iste, kao i pomoć prilikom rješavanja problema koji bi eventualno nastali u prijemi sistema.

Član 8.

Ugovorne strane mogu ovaj Ugovor raskinuti i prije njegovog isteka, ukoliko se neka od strana ne bude pridržavala njegovih odredaba, uz prethodno izmirenje svih obaveza nastalih po osnovu ovog Ugovora.

Član 9.

Otkazni rok po ovom Ugovoru je 30 dana, a po isteku ovog roka, Ugovor se smatra raskinutim.

Član 10.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 11.

Eventualne sporove, nastale pri realizaciji ovog Ugovora, ugovorne strane će nastojati riješiti sporazumno, a ukoliko to nije moguće, nadležan je Sud u Sarajevu.

Član 12.

Ovaj Ugovor je sačinjen u četiri /4/ istovjetna primjerka, od kojih svaka strana zadržava po dva /2/ primjerka.

IZVRŠILAC

UGOVORNI ORGAN